

Erich Bolinius

www.erichbolinius.de

Erich.Bolinus@t-online.de

Bericht über den BSV Kickers Emden - Sendung „Flutlicht“ auf Radio Ostfriesland

Donnerstag, 26.7.2012 18.05 Uhr auf 94.0 bzw. 87,7

Moin, leev Toehörers,
för Kickers Emden stahn upstünns Bült Training un Fründskuppsspölen up 't Programm.
Nadem Trainer **Yasin Turan** sien Mannskupp lesd Saterdag smörgens noch in 't „Fitness-Studio“ Krafttraining harr maken laten, stunn snamiddags 'n Tournier in Gristede an. Dorbi wassen SV Brake ut de Landesliga, SSV Jeddelloh ut de Oberliga, de U23 van VFB Ollnbörg un de Gastgeber Elmendorf/Gristede. De Emden Mannskupp sloog sük goed un muss eerst in Finale tegen SV Brake in 't Elfmetersketen mit 4:5 slaan geven. De goed tweed Platz wurr van twee persönliche Uttekens für Spölers van Kickers Emden noch krönt. So stellte Kickers mit **Tido Steffens** de beste Torsketer mit 3 Toren un mit **René Carsten** de beste Torwart. Dart in disse Tournier wurr SSV Jeddelloh de tegen de U 23 van Ollnbörg mit 3:0 wunn. In de Gruppenspölen spölte Kickers – bi de ok de Störmer **Martin Habben** dorbi was – bi 'n Spöltied van 30 Menüten tegen de U23 van Oldenbörg 0:0 un wunn tegen de Gastgeber Elmendorf/Gristede mit 4:0. Hier skoten Tido Steffens dree Toren un **Carlos Santos da Lux** een Tor. Wiel Kickers mit Oldenbörg punkt- torgliek was, muss 'n Elfmetersketen entskeden, well in dat Finale intrecken dürs. Hier kunn Kickers Torwart Carstens gliek dree Ballen ofwehren, **Thilo Janßen** un Tido Steffens verwandelten seker. In 't Finale unnerlag dann Kickers in 't Elfmetersketen Brake unglückelk mit 4:5.

Dat Spöl tegen SV Grootfehn (Großefehn) wurr mit 3:2 in Firrel wunnen. **Tido Tuitjer** und **Bernd Grotlüschen** hebben de Toren för Kickers skoten.

Dingsdag hett Kickers noch in Pleward (Upleward) spölt, dorover word hier noch in de Sendung vertellt. Dorum laat ik dat.

De U19 hett in de Sportweek van TB Twixlum tegen de 1. Mannskupp van Twixlum mit 0:4 verloren. So schlecht spölt hebben se neet, man dat Torensketen hebben 's vergeten. Dat hett de Gastgeber beter maakt. Ut elke Kans hett Twixlums Torjager Jens Geerken 'n Tor maakt, dree Maal hett he toeslaan, dat nöhm man „Effektivität“. De Spölers worden ja, wenn dat weer um Punkten in de Landesliga, neet mehr faakt nöhm, dorum hier de Namen, de in Twixlum spölt hebben: **Björn Weiß - Jan Lakeberg, Thilo Janssen, Malte Ahrens, Gerrit Phillips - Lieven Treuke, Andreas Flessner - Marco Borchers, Tido Steffens, Arne Lautenbach - Tido Tuitjer**. Inwesselt: Torwart **Marcel Wies, Kevin Buss, Leonardus van Stee, Florian Seeba**.

Wor wi nett bi 't Torensketen sünd. In de 3. Foetballliga föhrt upstünns **Marcel Reichwein** de Torsketerliste mit 41 Toren an. Dorvan hett he 10 för Kickers Emden skoten. De 2. Platz beleggt **Tobias Schweinsteiger** mit 40 un dann komen al de ehemaligen Kickersspöler **Eric Aygemyang** und **Frank Löring** mit 39 Toren. Junge, was dat noch Tieden, das de Störmers för Kickers up Torenjagd gungen. Hopen wi maal, dat in eenige Jahren sükse Tieden för Kickers Emden ok weer komen. Sücht upstünns dorna ja neet schlecht ut.

So, nu as alltied, noch 'n heel kört Foetballwitz:

„Man, Paul, ik krieg ja bold keen Luft mehr“, seggt Judith as se bi hum in de Arms liggt.

„Wor hest du dann so drömhafte küssen lernt?“

„In mien Sportverein. Ik blaas dor al siet 3 Jahren de Foetballen up!“

Ja, worföör dat Uppusten van Foetballen all goed för ist.
So, dat was dat weer maal för disse Week,
ik hoop, Joe hett dat Plattdütsk gefallen, denn mien Motto heet ja alltied,
plattdütsk dürt - nettsö as Kickers Emden – neet unnergahn.
Bit anner Maal
Joe
Erich Bolinius
ut Emden-Petjem.